

23 Եւ արքայն Պարսից գնացեալ փախստական յերկիր իւր. եւ իբրեւ Եհաս անդր՝ ժողովէր առ ինքն զամենայն մնացեալս իշխանութեան իւրոյ, եւ ի խոյզ եւ ի խնդիր անկանէր: 24 Խորհուրդ ի մէջ առնոյր՝ հարցելքնին առնել. հրամայէր վերստին, զի տեսցեն եւ յայտ արասցեն՝ թէ ուստի՞ եղեւ սկիզբն պատերազմացն եւ մարտին: 25 Ապա ի վեր եկին եւ յայտնեցան իրքն առաջի Նորա. զի յոչինչ իրաց ի վատթար բանից համարեցան զիրսն եղեալս, վասն ձիոյ միոյ կարծիս առնել զայն ամբոխ խռովութեան ի մոլեկան առնէն Շապուհ Վարազայն: 26 Ապա հրաման ետ հանել զպատիւն ի բաց, եւ մերկանալ ի նմանէ զպատուական պատմունճանն, եւ մեծաց հարուածոց արժանի առնէր զՎարազն. ըստ պարսկի արինակին հրամայէր զմորթն ի բաց հանել, եւ խոտով լնուլ, եւ ի հրապարակի իւրում ի տեսիլ ծանականաց կանկնել հրամայէր: 27 Եւ ինքն ի զոջումն եկեալ վասն իրացն եղելոց, ապա արձակէր զիշխանսն պատուականս ի հնազանդութիւն խաղաղութեան վասն գերեդարձ առնել ի կայսերէն միւսանգամ, եւ այնուհետեւ աղաւթակերս արձակել ի հաշտութիւն խաղաղութեան խաւսել ընդ կայսերն, զի գոնեայ զկանայս իւր արձակեսցէ ի գերութենէն, եւ բարձցէ ի նմանէ զծանալութեանցն զդարձութեանցն Նախատինս:

28 Ապա գրէր¹ հրովարտակ թագաւորն Յունաց Վաղէս² առ արքայն Պարսից. Նախ դու, ասէ, դարձուցես զգերութիւն առեալ յերկրէն Յայոց, եւ զթագաւորն Տիրան ինքնին զլխովին, եւ զամենայն ինչ զոր առեալ իցէ անտի. ապա յորժամ զայդ արասցես, եւ ես զիմս դարձուցից զոր առեալ եմ. զի եթէ ոչ Նախ դու զնոցա զաւարն դարձուցես, եւ ես ապա զթոյդ դարձուցից: 29 Եւ իբրեւ լուաւ զայն հրաման արքայն Պարսից, վաղվաղակի զիրսն կատարէր. հանէր զկապեալն Տիրան ի տանէն բանդի կապանաց, խաւսէր ընդ նմա ողոթով, զի թագաւորեցուցէ զնա անդրէն յիւր աշխարհն արձակելով, զի երթիցէ Նա պատուով: 30 Ապա տուեալ պատասխանի Տիրանայ, եթէ անաւգուտ է ինձ եւ անպատշաճ է՝ կուրութեամբ, անմարթ իսկ է կարի, ունել զթագաւորութիւն. բայց փոխանակ իմ թագաւորեցո զԱրշակ զորդի իմ:

31 Յայնմ ժամանակի թագաւորեցուցանէր զԱրշակ որդի Նորա ի վերայ աշխարհին Յայոց. եւ զկանայս թագաւորին եւ զայլ գերին ամենայն, գանձիւք ընծայիւք եւ ստացուածովք հանդերձ, եւ միանգամայն դարձ առնէր ամենայն գերութեան: 32 Եւ զինքնին Տիրան թագաւորն Պարսից հանդերձեաց կազմեաց մեծաւ կազմութեամբ, եւ արձակեաց յիւր աշխարհէն յերկիրն Յայոց. եւ կատարեալ հաւատարմացոյց զասացեալսն հրամանաց թագաւորին Յունաց: 33 Եւ իբրեւ զնոսա ի Յայս յուղարկէր, ապա եւ զ'ի թագա-

1 Յօր. գտանէր

2 Պարսի յինել Կոստանդ. Բ.